

Director Ezzard Cilie:

“1 di augustus lo cuminsa traslada pashentnan pa e departamento nobo”



ORANJESTAD- E edificio nobo di dr. Horacio Oduber Hospital ta consisti di 5 piso di cua 4 ta bira operacional otro luna.

Director medico Cilie ta splica cu tur accion cu hospital ta tumando avor ta dirigi pa cuminsa transporta pashentnan over dia 1 di augustus. “Esaki ta e planning, pasobra tin varios cos cu mester caba ainda. Tin IT cu ta hopi im-

portante. Nos ta bay basta digital den e edificio nobo y esey ta trece cu ne cu mester cumpli cu cierto condicionnan.”

E enfoke 1 di augustus ta pasobra cu mester haci e otro banda di hospital bashi pa asina cuminsa cu su renobacion.

Sr. Cilie a bisa cu esunnan cu ta cuminsa traha den e edificio nobo aki mester haya (module) extra ‘training for

patient experience’ pasobra tur loke ta tradicion bieu mester keda den e edificio bieu.

Esnan cu pasa e test ey por drenta aki den pa traha. Riba e pregunta si e calidad di hospital ta uno di 5 strea sr. Cilie a contesta cu tres biah ‘si’.

Hospital su departamento cu ta duna curso specialisa den cooperacion cu Amstel Academie recientemente a haci

entrega di diploma specialisa den neurologia na 4 nurse, loke ta algo unico den Caribe. Riba esaki director Cilie tabatin e siguiente remarke.

“Den HOH ta traha 300 enfermero/a cu tin e diploma basico y entre nan tin varios hoben cu ta busca un manera pa forma un carera.

Nan por specialisa locual ta apto pa nan y ta posibel aki. Nos ta spera cu ora un curso

habri cu nos ta haya e hendenan aki pa sigui e curso, si no ta asina nos ta influencia nan pa haya interes pe.

Asina nos ta haya e nursenan pa sigui un specialisacion. Tin hopi specialismo tumando luga.

Tin nurse cu ta bayendo pa dos specialismo, entre otro pa SEH y ICU y na final nan ta scoge unda pa keda.”

